

《太上三生解怨妙經》

超渡嬰靈用

淨心神咒

太上台星 應變無停 驅邪縛魅 保命護身
智慧明淨 心神安寧 三魂永久 魄無喪傾

淨口神咒

丹朱口神 吐穢除氛 舌神正倫 通命養神
羅千齒神 卻邪衛真 喉神虎賁 神氣引津
心神丹元 令我通真 思神鍊液 道氣常存

淨身神咒

靈寶天尊 安慰身形 弟子魂魄 五藏玄冥
青龍白虎 隊仗紛紜 朱雀玄武 侍衛我真

安土地神咒

元始安鎮 普告萬靈 嶽瀆真官 土地祇靈

左社右稷 不得妄驚 回向正道 內外澄清
各安方位 備守家庭 太上有命 搜捕邪精
護法神王 保衛誦經 皈依大道 元亨利貞

淨天地咒

天地自然 穢氣分散 洞中玄虛 晃朗太元
八方威神 使我自然 靈寶符命 普告九天
乾羅怛那 洞罡太玄 斬妖縛邪 殺鬼萬千
中山神咒 元始玉文 持誦一遍 卻鬼延年
按行五嶽 八海知聞 魔王束首 侍衛我軒
凶穢消散 道氣常存

祝香神咒

道由心學 心假香傳 香爇玉爐 心存帝前
真靈下盼 仙珮臨軒 令臣關告 逕達九天

金光神咒

天地玄宗 萬氣本根 廣修億劫 證吾神通
三界內外 惟道獨尊 體有金光 覆映吾身
視之不見 聽之不聞 包羅天地 養育群生
受持萬遍 身有光明 三界侍衛 五帝司迎
萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五氣騰騰
金光速現 覆護真人

開經玄蘊咒

雲篆太虛 浩劫之初 乍遐乍邇 或沈或浮
五方徘徊 一丈之餘 天真皇人 按筆乃書
以演洞章 次書靈符 元始下降 真文誕敷
昭昭其有 冥冥其無 沈痾能自痊 塵勞溺
可扶 幽冥將有賴 由是昇仙都

太上三生解冤妙經

爾時

尋聲救苦天尊 與諸侍從 巡遊十方世界 化
度眾生 出離苦海 令歸正道 不入邪宗 觀
見西方 於內一國 王號淨梵 此國人民 多
生淫殺 不造善功 多沈地獄 多失人身 念
彼眾生 即化身下降 其國王夜夢神報來
曰天真 自東而至 何不迎之 王心不寐 坐
而待旦 詔眾大臣 后妃天親 及諸市人 遠
離本所 迎接天尊 至於城西 有一大園 樓
閣嚴整 花草繁盛 是時天尊 在七寶殿內
金龍座上 天童侍衛 國王侍臣 后妃天親
及諸市民 座下圍繞 觀聽演說 正一妙法

俄然瑞氣盈園 天花交散 大眾驚異 喜悅
難言 時有皇后 及諸貴妃 燒香拜禮 跪而
告曰 弊居小國 愚魯之邦 未嘗得聞 如斯
高玄妙道 今日遇值 深爲幸矣 有少短意
欲訴道前 伏願洪慈 特賜允許

天尊曰 汝有何言 盡心而說 皇后告曰 今王
年老 子嗣未立 先有所懷 數月之中 遂致
損落 其或月滿 所得男女 或一歲二歲 或
三歲 或五歲之間 即便死亡 未知前生今
世 何罪致得 如是若蒙哀愍 則仰受訣言
天尊曰 是汝前生之中 懷孕不愼 殺落其胎
兒女心內憎嫌 故得今身之報 恐汝不信
吾今攝此冤魂 汝當親問

天尊指處 皇后視之 見一夜叉 面如葉藍 眼

如怪星 指皇后而言 前生之時 我受陰注
投你爲母 你身年幼 全無惜護 隨性作爲
因此不愼 殺落我身 今欲還報 緣汝前世
生居中國 敬奉天地 日月星辰 勤侍翁婆
孝順父母 欽崇三寶 至重善人 塑像造經
略無慳惜 蓋殿修壇 竭力施爲 憫憐困苦
濟惠貧寒 積此善功 今生證爲 小國之后
若非此福 我即殺你 料應多日 皇后聞言
心神懼怕 戰戰兢兢 拜跪道前 我有先身
曾作如是 今日雖知 悔之何及 伏望天尊
略示方便 捨自己之財 盡爲布施 願求解

釋

天尊曰 善哉善哉 汝雖前生 建大功德 廣作

福田 即知不會懺悔 身中之冤結 吾昔於
正一天尊 受三生解冤妙經 汝當隨吾精心
誦之 冤業自消 夫人稟天地而生 構陰陽
而成 三月之外 始分男女 可保而不可傷
可養而不可害 命與大人一體無異 誤損有
落 便成冤債 一日造冤 三世報還 豈不怖
哉 迷昧眾生 倚恃年壯 懷孕之時 全無將
護 恣意而行 登高跳下 負重急走 或跨騎
勞形 或陰陽不慎 或撞或隱 或搦或按 或
撲或揉 或服藥而損 或針刺而傷 或食毒
魚惡肉 或喫硬物冷漿 如斯等事 妊孕多
傷 或是自作 或是教他 殺害之因 焉能盡
說 前生所作 今身報還 致使懷孕 多病疼

痛纏綿 飲食減少 行立艱難 皮膚腫破 腰
似錐鑽 巴明盼夜 一日如年 受此痛苦 唯
至月足 臨產多般 或連日不分 或橫逆不
順 親姻恐懼 眷屬憂惶 當此之時 冤家來
害 苦痛非常 或母活子死 或子活母死 或
子母俱亡 皆為橫天之魂 若得託生 依前
再受 若未託生 纏害姻親 若遇此經 志心
持念 一切冤業 盡總消除 即說咒曰
晨昏運度 耀明古今 萬類受稟 結化成形
冤業誤染 三世相侵 正一之氣 解免冤魂
聞之即散 聽之離分 天丁甲卒 扶護無傾
速生速免 各得安寧 元皇符命 時刻不停
急急如律令 是時念經七遍 夜叉座前 拜
謝天尊 我今承斯功德 徑往中土 託生富

貴之家 拜謝而去 眾人聞之 皆大歡喜

天尊曰 此經非獨解一人之冤結 汝等各發誠
心誦經百遍 一國之人 應有冤結 悉皆解
脫 于會下言 同聲誦之 至於百遍 驀見陰
雲四布 黑霧之中 瑞氣垂空 諸多類拜而
言 我等特蒙天慈 降賜經法 一國冤結 已
生未生 罪無輕重 咸皆解脫 倏忽之間 雲
收霧斂 天氣朗清 人民歡慶 讚謝天恩 眾
等告曰 然賴道力 普得濟度 雖無即目之
冤 慮有他時所犯 作何預修功德 永離此
苦

天尊曰 吾今說此 三生解冤妙經 若有善男

子善女人 每日燒香 誦經三遍 己身冤

結盡皆消滅 如精心抄一本與人合家眷
屬同霑福惠 若復有人胎氣怯弱 或數落
不安 轉誦此經 即得安穩 必得智慧男女
如睡夢中間 常見亡過兒女 此是冤業 又
待重來 精心每日日暮 燒香拜禮此經 冤
魂自退 普無驚怖 若復有人臨產多難 即
於難月之前請正一清微道士法師 對三清
聖像 焚香誦經 遂感善神護佑 誕育順理
則無冠橫之災 子母全安 各保天年之壽
如行住坐臥 精心持念 後世爲人富貴聰明
形容端正 子孫榮旺 獲福無量 歎斯因緣
而作偈曰

眾生多結冤 冤深難解結

一日結成冤 三世報不歇
我今傳妙法 解除諸冤業
聞誦至心聽 冤家自消滅
是時

天尊說經既畢 諸仙大聖來迎 天尊巡遊他方
濟拔群品 再爲國王后妃曰 自後依奉正道
即生孝慧之男 吾今付汝靈符三道 朱書吞
之一符保身 一符辟冤魂 一符摧速生 汝
等可以教世人 遵敬奉行

志心皈命禮

青華聖境 東極上宮 十方化號度眾生 百億
瑞光瞻妙相 即隨機而赴感 由誓願之弘深
九色蓮花 作慈航之彼岸 一枝楊柳 開甘
露之法門

無量度人 大慈仁者 大悲大願 大聖大慈

太乙尋聲救苦天尊